



Data: 22.02.2019

Ref.: 318/19 V

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetëror i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

I. Refuzohet kërkesa e Kolegjit Dukagjini, (Nr.1504/18H, datë 31.10.2018) për akreditim të programeve të studimit si më poshtë:

- Dizajn i integruar, BA, 180 ECTS, dhe
- Infermieri, BSc, 180 ECTS.

II. Ky vendim hyn në fuqi me nënshkrimin e tij.

Arsyetimi

Kolegji Dukagjini ka parashtruar kërkesë (Nr.1504/18H, datë 31.10.2018) në Agjencinë e Kosovës për Akreditim, për akreditim të programeve të studimit si në vijim: Dizajn i integruar, BA, 180 ECTS, dhe Infermieri, BSc, 180 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 15 dhe 16 janar 2019 ka trajtuar aplikacionin e Kolegjit Dukagjini. Në pikën 1.2 të nenit 10 të UA për Akreditim, thuhet, *“Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”*.

Mbi këtë bazë, KShC erdhi në përfundim se programet e studimit të Kolegjit Dukagjini, Dizajn i integruar, BA, 180 ECTS, dhe Infermieri, BSc, 180 ECTS, nuk i plotësojnë kushtet ligjore për aprovim të aplikacionit.

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018): *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Bazuar në nenin e referuar më sipër KShC ka verifikuar te gjithë dokumentacionin relevant të kualifikimit të stafit akademik për programet e studimit. Këto të dhëna janë prezantuar në mbledhjen e KShC-së të mbajtur me 15 dhe 16 janar 2019, dhe pas shqyrtimit të dosjes për secilin staf akademik, KShC mori vendim që të refuzojë aprovimin e aplikacioneve të Kolegjit Dukagjini, sipas pikës një të dispozitivit të këtij vendimi.

1. **Për programin e studimit: Dizajn i integruar, BA, 180 ECTS**, Kolegji Dukagjini nuk ka paraparë asnjë person si bartës të këtij programi të studimit.

Sipas nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ky program ka 180 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Kolegji Dukagjini, duhet te ketë te paktën tre anëtarë të stafit akademik me gradën shkencore *PhD* me marrëdhënie të rregullt të punës nga fusha e programit të studimit.

Sipas nenit 2, paragrafi 1, të Udhëzimit Administrativ (Nr.02/2019, datë, 31.01.2019) për ndryshimin dhe plotësimin e nën-paragrafit 5.3.4 dhe 5.3.5, të nën-paragrafit 5.3, të paragrafit 5, të nenit 26 të UA për Akreditim (15/2018, datë 28.09.2018), për programet e arteve sa i përket stafit akademik kërkohet: *“Apo titujt e barasvlershëm artistik”.* Kjo nënkupton që bartësit e programeve të arteve mund te jenë edhe personat me kualifikim MA, por te jenë nga fusha e programit të studimit.

Andaj bazuar në faktet e prezantuara me sipër dhe dispozitat ligjore te sqaruara me lartë, dhe në mungesë të stafit të fushës së programit të studimit, dhe bazuar në nenit 26, pika 5.3.4 e Udhëzimit Administrativ për Akreditim, dhe nenit 2, paragrafi 1, të Udhëzimit Administrativ (Nr.02/2019, datë, 31.01.2019), KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzojë aprovimin e aplikacionit për programin e studimit, *Dizajn i integruar, BA, 180 ECTS.*

2. **Për programin e studimit: Infermieri, BSc, 180 ECTS**, Kolegji Dukagjini ka paraparë këta persona si bartës të këtij programi të studimit: Xhevat Kurhasani (PhD në Sëmundjet e Brendshme), Ramadan Dacaj (PhD në Shkenca të Mjekësis), dhe Skender Dreshaj (MA në Menaxhment Sektorial).

Sipas nenit 26, pika 5.3.11 e UA për Akreditim, *“Programet e studimit me mungesë të stafit akademik me gradën Dr.sc., ashtu siç është paraparë më këtë UA, (Infermieri BSc, Mami, BSc dhe Gjuha e Shenjave BSc), do te lejohen të hyjnë në procedurë të vlerësimit dhe akreditimit, me kusht*

që institucioni i arsimit të lartë do të siguron AKA-në që ka marrëveshje të bashkëpunimit me te paktën një institucion ndërkombëtar të arsimit të lartë i cili në vendin e tij të origjinës është i akredituar". Përveç kushteve të cekura me sipër IAL-të duhet të kenë për çdo 60 ECTS, një staf permanent nga fusha e programit të studimit, në marrëdhënie të rregullt të punës, te paktën me gradën MA.


3. Pas verifikimit të dokumentacionit të stafit akademik të prezantuar nga Kolegji Dukagjini për këtë program të studimit, u konstatua që asnjëri nga bartësit e programit të prezantuar në Infermieri, nuk i përkasin fushës së studimit të këtij programi. Xhevat Kurhasani është PhD në Sëmundjet e Brendshme, Ramadan Dacaj është PhD në Shkenca të Mjekësisë, dhe Skender Dreshaj, MA në Menaxhment Sektorial.

Andaj bazuar në faktet e prezantuara me sipër dhe dispozitat ligjore të sqaruara me lartë, dhe në mungesë të stafit të fushës së programit të studimit, si dhe bazuar në nenin 26, pika 5.3.4 e Udhëzimit Administrativ për Akreditim, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzojë aprovimin e aplikacionit për programin e studimit *Infermieri, BSc, 180 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenin 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegjit Dukagjini;
- MASHT-it;
- Arkivit të AKA-së.



Prof. Dr. Gazmend Luboteni

Kryetar i Këshillit Shtetëror të Cilësisë